

القطقوطة المتفجرة

هدف اللعبة

ما تسحبش كارت فيه قطة
بتنفجر. لو سحبتة ومفيش
معاك كارت إبطال، هتخرج
من اللعبة. آخر واحد يفضل
هو اللي بيكسب.

عدد اللاعبين


من 2 إلى 5 أشخاص

عدد الكروت

56 كارت

طريقة اللعب

كروت السحب فيها قطط بتنفجر
الكروت بتكون مقلوبة، بتسحبوا
بالدور لحد ما شخص يسحب
"القنبلة"



أول ما حد يسحب كارت القنبلة،
بينفجر ويخرج بره اللعبة



باقي الكروت هتديك طرق تتجنب بيها
الإنفجار
الشخص اللى مش بينفجر هو الكسبان

ببساطة

لو إنفجرت، هتخسر
لو منفجرتش، هتكسب
باقي الكروت بتقلل فرص إنك تنفجر

تجهيز اللعبة

1 شيل كروت القنبلة وكروت الإبطال من الكروت الأساسية (كومة السحب)



2 وُزّع ٤ كروت على كل لاعب + كارت إبطال فيبقى مع كل واحد ٥ كروت

3 رجع كروت الإبطال الباقية لكومة السحب تانى



4 رجّع عدد كروت القطة القنبلة حسب عدد اللاعبين ناقص واحد (يعني لو ٤ لاعبين، تحط ٣ كروت قطة بتنفجر). وباقي القنابل بيبقوا برة اللعبة

5 فنط الكروت وحطها كلها مقلوبة فى النص إعمل مكان للورق الملعب عالارض



6 إختاروا أول لاعب يبدأ



الأدوار بتمشي مع إتجاه عقارب الساعة

إبدأ دورك

1 شوف الكروت اللي فى إيدك

2 ممكن تلعب كارت أو أكثر من اللي فى إيدك
(أو ما تلعبش خالص)

3 فى الآخر لازم تسحب كارت من فوق الكروت اللي
فى النص "إدعى متكنش قنبلة"

لو سحبت قطة بتنفجر

4 لو معاك كارت إبطال، تلعبه فورًا، وترجع كارت
القنبلة فى أي مكان يعجبك فى كومة الكروت (بس
ما تقولش حطيته فى)

لو ما معكش كارت إبطال، بتنفجر وبتخرج من
اللعبة، وفي الحالة دي كارت القنبلة مش بيرجع
كروت السحب تانى

خليك فاكِر

إلعب بأى عدد كروت تحبه ورا بعض وبعدين
لازم تسحب كارت عشان تنهي دورك

نهاية اللعبة

فى النهاية كل اللاعبين هينفجروا ماعدا لاعب واحد
وده الكسبان

خد بالك

عشان تضمن تكسب متلعبش بالورق كله فى الأول
عشان احتمالية الانفجار أقل

لو الورق اللي معاك خلص كمل لعب عادي المهم
تسحب ورقة فى دورك

كروت اللعبة

لأ (5 كروت)



تقدر توقف اى كارت ماعدا القنبلة والإبطال كارت "لأ" ممكن يتلعب على كارت "لأ" تاني وكدة تكون وقفت رفض اللاعب الأول ولازم ينفذ اللى فى البطاقة بتاعتك.

تخطي (4 كروت)



الكارت ده بيساعدك تكسر قاعده انك لازم تسحب كارت عشان تنهي دورك فلما تلعبه متسحبش كارت واللي بعدك يلعب علي طول لو اللي قبلك لعب كارت هجوم تقدر تلعب كارت تخطي وبالتالي تسحب كارت واحد بس او العب كارتين تخطي ومتسحبش خالص

كروت القطط



الكروت دى ملهاش استخدام لوحدها بس لو جمعت كارتين من نفس الشكل هتقدر تسرق كارت عشوائي من اى لاعب تاني (من غير ما تعرف الكروت اللى معاها)

لو لعبت 3 كروت من نفس الشكل تقدر تختار الكارت اللى عايزه من اللاعب التانى بالإسم. لو الكارت معاها لازم يديهولك لو مش معاها، مش هتاخذ اى حاجة، وتكمل دورك عادي

التفنيط (4 كروت)



عيد تفنيط كومة السحب (هتنفعلك لو فى قبله فى الدور الجاي)

القنبلة (4 كروت)



لازم تكشف الكارت دة أول ما يظهرلك. لو
ممعكش كارت الإبطال هتنفجر وساعتها
هتحت كل الكروت اللى معاك عالارض

شوف المستقبل (5 كروت)



شوف اول 3 كروت لوحذك من كروت
السحب متوريش الكروت لاي حد تاني

الإبطال (6 كروت)



لو سحبت قنبلة تقدر تلعب الإبطال بدل ما تنفجر
حط كارت الإبطال على الأرض وخذ كارت القنبلة
وحطها في كروت السحب في اى مكان من غير ما
تشوف الكروت او تغير ترتيبها
إنهى دورك من غير ما تسحب اى بطاقة المرة دى

الهجوم (4 كروت)



مش محتاج تسحب اى كارت (زي التخطي) بس
اللى بعدك هيسحب كارتين

مساعدة (4 كروت)



إجبر اى لاعب بديك كارت من عنده بس هو اللي
يختاره مش انت

أبسطها لك

لو شكيت إن كارت القنبلة
ممکن يطلعلك، ممكن
تلعب بطاقة "شوف
المستقبل" وتشوف اول 3
كروت في كومة السحب



لو لقيت كارت القنبلة هو اللي
هتسحبه، إلعب مثلا بطاقة
الهجوم



وبطاقة الهجوم هتخليك
تنهي دورك من غير ما
تسحب وخلي اللي بعدك
يسحب كارتين



بس خذ بالك اللاعب
التاني ممكن يلعب
كارت لأ وساعتها هيبقى
لازم انت تلعب



لو معاك كارت التفنيط
ساعتها هتقدر تعيد
تفنيط الكروت
وتسحب بس
متنساش تدعي إنها
متبقاش القنبلة

